



水邨集三

詩
應製

共六

~ 20
1012
3





水村集卷之五目錄

詩

東出

其二

暮投報恩寺次僧軸韻

追和元命汝贈別韻

其二

漢陰訪三洲

過東淮白雲亭

舟中口占

其二

舟中詠懷

其二

江閣夢覺

舟行六日連值逆風望見英寧兩陵而猶未

得達又將淹泊江村漫詠一絕

歸田

九楊村訪趙錫美畱飲同賦酬和

其二

次錫美

阻雪又畱九楊村一夜與錫美同賦

其二

其三

其四

次李生熈韻

次李中甫嵩鎮見贈韻

其二

睡村相公去秋遭橫逆蒼黃赴洛經冬畱滯春

後始歸余於索居之餘得有杖履從遊其樂

可知就宿台閣仍賦詩相和並錄之

其二

其三

其四

其五

再疊前韻

其二

其三

其四

其五

將歸聞有原牧之 除更賦一首請和

自驪村將向洛次睡村相公寄別之作

次金察訪時瑞寄贈韻

次韻題梅鶴亭詩帖

其二

自驪江向漢陽舟中口占

西郊春夜別席走次元命汝相贈韻

水村解纜向原州

平昌客館次板上韻

其二

山路

平昌峽路見巖石甚奇

躑躅

中秋省先墓于三山歸到忠原之境馬上口占

次元命汝韻寄遂庵

次李甥以榮原城客館守庚申用唐律韻

題日錄

次題守源上人詩卷

其二

其三

病卧驪岸用袁中郎集中韻口號走筆

訪農巖

農巖金判書仲和 昌協 挽

其二

其三

次工判尹子由 以道 韻作慶尹元命汝別語

赴密陽路宿清川村舍用睡村相公贈別韻寄

遂庵

過商山訪成師傅 晚徵

三浪江倉漫詠用姚桂巖遊西湖韻

寄沈持平汝揆 宅賢

次李甥韻

和山陰王山寺僧清運寄詩

向大丘少憇梧桐院

在三浪倉舍寄沈汝揆

其二

在三浪倉廨收春稅次成進士彥周韻

和巡使洪台萬朝到嶺南樓書示韻

感秋寄遂庵

以事到東萊贈府伯權定卿以鎮求和

贈李接慰世瑾

沈監役澗挽

李叅判思永挽

次贈李甥以榮歸益山

韓叅判聖佑挽

其二

寄鄭都憲仲淳滯甲山謫所

其二

試院偶吟示同席諸公

贈別李郎中邦彥以通信從事赴日本

秋至

寄三一子 申斗柄 蔚珍山樓

其二

洪三宰君澤 受憑 挽

騎省分司直廬次金最良 盛最 述懷韻

其二

十月廿八日右台東岡公携酒到尹判書子由家招呼同庚三友即李都正士安元承旨命汝及余也李扞城泰卿李成川春卿兄弟亦以近隣邀來會者七老齒過七十者六獨春卿六十九此亦世間稀有事也是日大雪余

適末至同醉臨罷咸曰不可無詩東岡公使余先唱敢以拙語呈諸公求和

又次命汝韻

李監司子東 海朝 挽

其二

浣花堂八詠 選五

其二

其三

其四

其五

尹永平 之贊 挽

夢有近族不記誰某新生男兒作卷以送求祈
祝之詞首題以贈

元水部命汝宅見鄭可叔寄詩和韻以報

贈別沈玄玉 玳 赴金堤

鄭可叔復和前韻寄來即次以報

贈別鄭宗之 必東 令公赴江界

次洪于海韻

金進士 昌緝 挽

韓司諫 永祚 挽

元叅議 聖俞 挽

贈別俞季毅令公 命弘 赴三陟

金忠州 鎮華 挽

次二閒堂韻

寄鄭可叔

贈別徐麟蹄 宗積 之任

寄題香碧軒 從姪載元軒名

送金川倅洪道陳 重疇 赴任

贈別尹吉甫 憲柱 令公赴星州

沈高陽一卿 漢柱 挽

洪正士中 萬選 挽

任知事 弘望 挽

寄天官權尚書 尚游

其二

送金員外 東翼 赴稷山

宋判書玉汝 相琦 夫人挽

金判書達甫 鎮圭 挽

其二

追次李宗甫 泰鎮 寄呈睡村

其二

李高敞 尚觀 挽

贈別李宗甫赴牙山

金陵鄭可叔到洛即歸走草贈別

贈別李伯瞻 喬岳 令公出按海西

城西借寓

漫吟

申叅判華仲 銜 司馬回榜之會余病未往赴寄

一律

東岡趙相公亦設司馬回榜之會蓋是申台同

年也余又病未能赴追呈一律

端懿嬪挽

其二

吳掌令羽進挽

鄭承旨宗之必東挽

其二

任正郎璟挽

陽春閣七友會別元命汝赴南山追和其韻

鄭成川可叔挽

己亥元日政余以年八十增加一秩吏判宋台

玉汝以詩相賀和韻報謝

耆老諸臣 親臨錫宴恩遇之盛曠絕古今相

與感泣而退不可無歌詠之作首輔夢窩相

公命墮唱始詩律以資酬和辭不獲已敢呈

二篇

其二

鄭判尹仲淳以病陳章徑歸到龍湖舟次寄詩

以別次韻相報

其二

送李伯瞻赴忠州

訪趙定而正萬坐上盆菊盛開定而請賦一絕

乃木集

立書以贈

送金學士東弼赴伊川

余自安洞借舍移寓典洞李侍直顯之惜別贈

詩走次其韻

金青山時潤挽

其二

其三

伏見 錫宴日 御製詩不勝摧咽領相既已

追賡以示同社諸臣茲敢不揆鄙拙攀和仰

瀆

肅宗大王挽

其二

任執義洞挽

贈別洪子九得範赴通川

次金子三壽錫淳夫壽鏤兄弟相贈兩絕韻

又用前韻相貽

次金子三兄弟用朴思庵韻見贈

暎波亭夜詠

其二

次答從孫述

水村集卷五

目錄

寸

其二

族孫承旨 守幹 挽

次黃台子羽 一夏 韻

寄子羽求和

其二

觀江一律又寄子羽求和

復用瓶字韻寄子羽

復寄

更寄子羽

復寄

復寄

又寄

和報

復寄

次子羽壽席相贈韻

次金子三韻

次子羽台更寄他韻

次金子三韻

李安東 益著 挽

次子羽韻

復和

復用前韻求和

又寄他韻

次復寄韻

復寄他韻

次更寄韻

又寄他韻

從孫述餉以新魚題寄一絕

復用他韻寄子羽

復次以寄

復次

復次新韻

復次前韻以寄

三月三日寄子羽

復次稀字韻寄子羽

復次前韻

更寄新韻

走次新韻

復次以寄

更用加字前韻以寄

更寄新韻

復次以寄

更寄新韻

更寄新韻

復次以寄

次新韻

復次前韻寄子羽

復次以寄

次崔器之

道文

寄贈韻

喜雨寄子羽

次族孫近杜陵草堂韻

次崔器之復寄韻

其二

復次前韻寄子羽

復次頃日回字韻

登兩宜亭舊址

登栗島

次子羽扶杖習步偶吟韻

復次崔器之韻

其二

趙承旨 鳴謙 挽

春盡

復次崔器之二律韻

余自玄江移向桂陽黃台子羽惜別與之同舟

來登小岳樓使主人李上庠淶呼韻共賦

暎波亭八月十五夜和報子羽示韻

壬寅秋赴咸從謫所與李尚書子賓 觀命 同行

至箕城分路口占贈別

謫舍立春

其二

甲辰立春

其二

水村集卷之五

詩

東出 丙戌

東出青門外來登上漢船退休非避世老病合歸田
逢戶深秋色蒲帆薄暮天終南山漸遠回首自依然

其二

渺渺秋江濶孤舟泝向東西風催隕葉落日見歸鴻
自笑非張翰誰言似賀公狂疎不宜世將作釣魚翁
暮投報恩寺次僧軸韻

蘆荻花飛秋水清驪陽歸客片帆輕舟人指點 宣

陵近古寺寒燈隔岸明

追和元命汝贈別韻

止足曾知貴吾今寵辱驚羊腸徒自苦蝸角孰能平
至樂安天放浮名笑月評秋風動江漢難禦浩然情

其二

欲掛秋帆去霜風萬葉驚田園返初服歌詠答昇平
遯跡從吾好狂言任衆評一樽來惜別偏感故人情

溪陰訪三洲

爲訪三洲老停橈石室村沿涯扶竹杖臨水有柴門
別久容雖換居閒道益尊閑襟到深夜揔是古人言

過東淮白雲亭

縹緲危亭號白雲朱欄隱映大江濱文章富貴俱陳
迹秋樹蕭蕭夕照曛

舟中口占

水國秋風晚蕭蕭白葦花倚舷遙送目歸鴈一行斜
其二

舉目皆秋色霜楓岸岸紅泝江舟一葉三日畫圖中
舟中詠懷

平生不解爲身謀乾沒紅塵苦未休傲骨詎堪當世
用衰容羞逐少年遊知章告老雖云晚張翰思歸正

九
值秋從此優遊聊卒歲五湖煙月一孤舟

其二

高秋九月露爲霜寒葦花飛木葉黃故國莽蒼江北
去暮天搖落鴈南翔歸裝楚楚携孤劔行色蕭蕭倚
短檣巖壑故人攀桂樹昨來招我有詩章

江閣夢覺

寄宿李生瞰江閣夜夢睡村李相公拜首揆
與諸宰會于闕中一公解而余亦與焉睡
覺開窗曉月滿江橫鴈叫羣回想夢中時世
情境俱非今日意慮之所及如余斥退者尤

無更進之理良可怪也聊賦一絕以記之

江天寂歷鴈歸聲推枕虛樓曉月明羈夢不知身已
退又隨簪珮入西清

舟行六日連值逆風望見英寧兩陵而猶未
得達又將淹泊江村漫詠一絕

二陵山色望中青猶是孤帆半日程江神不借西風
便應識遲遲去國行

歸田

久爲簪組累恒媿退休遲性拙難供世言狂更忤時
跡同秋燕謝心許野鷗知縱老江湖上寧弛魏闕

九楊村訪趙錫美

留飲同賦酬和

雪後乘佳興清江放小舸吾今釣鰲客君是倚樓豪
此事非曾料他鄉會我曹霜溪有素月長夜醉村醪

其二

一笑相迎兩白鬚黃驪此會世間無行來雪棹青山
暮就宿霜溪素月孤漫詠多荒徒信筆濁醪雖薄且
盈壺清時見棄還堪幸林下吾將寄病軀

次錫美

問子幾時到吾今乘興來相逢猶舊習雖老尚高才

閣冷冰生硯窻虛月映杯新詩更有助江雪巧粧梅

阻雪又留九楊村一夜與錫美同賦

又作明燈話深宵問幾更行藏傷暮歲離合笑浮生
山雪初盈尺村醪復滿觥應知別後夢夜夜漢陽城

其二

白首江湖老芰荷已換衫奇才君玉蘊狂語我金緘
別曲琴休奏離懷手更摻鷗盟寧可負無恙有春帆

其三

會合真堪喜分張且莫傷此生元逆旅何處不吾鄉
道趣窮逾樂詩情老更狂羊腸千曲險爲爾戒彷徨

水村集

卷五

詩

四

鳳與鸞將別瑤琴更一彈偶成林下集疑是夢中看
風雪三宵飲江山十月寒長安君莫戀平地有波瀾
余以是歲暮秋去國掛帆東泝來寓黃驪邑
村睡村李相公適遭意外橫逆蒼黃赴洛久
未得歸燕鴻悵望之餘孤寄寂寞之濱悄悄
然無與語者及十月既望忽得趙君錫美書
曰吾自京到九楊村丙舍且有小酒願一過
也時當微雪初霽景致殊絕余不禁子猷之
興卽以短棹作訪戴行入門而一笑相迎其

其四

喜色可掬仍引觴暢懷明燈打話錫美出令
曰吾兩人今日之會豈可無詩遂一唱一和
欲罷不能又值大雪乃至畱連三夜所賦詩
各有十餘首初約以率意信筆不求其佳句
妙語蓋皆漫興也錫美將以明日還洛余告
別歸江寓各書一通以爲他日之面目焉錫
美與睡村相公及余俱少時同榻友也今段
之會惜無睡村相在坐三日喃喃之恨惟此
而已是歲卽丙戌也豐川任陸大仲書

次李生 燻韻

窮谷有孤蘭蕪沒衆草中幽香不自埋馥馥隨微風
君詩與之然獨抱天機工悅聆古琴瑟宵默諧商宮
孤吟倚江榭四壁蕭然空寒郊及瘦島自古以詩窮
君今既有詩窮莫怨天公顧我少癖詩老謝鉛槧功
崑玉忽入懷金篋如刮矇不意山陰生驚殺公安翁

次李中甫

嵩鎮

見贈韻

自笑花蟲似唯將古簡饗朝廷遺此老田野合吾曹
跡爲離羣靜心因謝世豪有時閒興到覓句強濡毫

其二

宋玉臨江宅還依孟氏隣弟兄皆寶樹朝暮接芳塵

家以先爲法書非聖不陳更嗟金玉什溫雅語驚人

睡村相公去秋遭橫逆蒼黃赴洛經冬畱滯春

後始歸余於索居之餘得有杖屨從遊其樂

可知就宿台閣仍賦詩相和並錄之

丁亥

綠野居閒日龍門謝病時世緣俱擺脫衰境數追隨
魚鳥堪供玩江山更助詩一樽巖上會花發以爲期

其二

家住水西東路憑孤棹通猶嫌三日隔頗喜一宵同
江送霏霏雨春生習習風此間佳趣在閒對兩衰翁

其三

九
木
集
一雨如畱客霏霏不肖晴懸燈今夜語同榻昔年情
綠野公初退黃梁我亦驚扁舟江漢上相與保鷗盟

其四

石逕穿林轉柴門傍岸斜我疑村老舍人道相公家
世遠塵囂絕年深野趣加盈盈隔水地來往豈辭遐

其五

一壑藏奇勝亭齋不設關孤煙生夕渚細雨過春山
野菜能清胃村醪不醉顏悠然濠濮意相對澹忘還

再疊前韻

仲春行欲半佳雨亦知時谷口花心引江頭柳意隨

公貧能有酒我老可無詩當竢倚樓至更成明月期

其二

不自解西東竹間幽徑通誰知遂初卜殆與浣花同
向闕瞻東旭閑窻卧北風吾今亦浪跡江漢一漁翁

其三

三日山齋宿林霏苦不晴携樽何處客起我此時情
語自閑襟爽詩仍落筆驚江湖期共老魚鳥有新盟

其四

一帶煙如織長林望裏斜遠風吹海雨終日灑山家

愧我詩情減嘉公靜趣加數忻從杖履居室不相遐

其五

雨裏延幽眺臨郊坐啓關孤舟橫古渡老樹偃空山
草苗有生意雲閒非俗顏前林暝色至棲鳥倦飛還

將歸聞有原牧之除更賦一首請和

幾夜連床話臨歸更惜分初收灑窻雨猶濕宿簷雲
白首嗟爲吏驪湖愧失羣回頭語鷗鷺終不負吾君

自驪村將向洛次睡村相公寄別之作

江北江南闢葦門望中松石是高軒田園共退奇緣
在杖屨相從至樂存此去只爲今歲計早歸寧負別

時言回瞻彼澳猗猗綠有斐斯人不可諼

次金察訪時瑞寄贈韻

雲錦亭中會合時相看一笑共霜髭雄詞滾滾風生
筆豪興滔滔月滿庖投去木瓜非報也別來唐棣詠
反而湖南春色驪湖至窻外新梅慰我思

次韻題梅鶴亭詩帖

二水交流一檻前灑煙巖上寶灘邊西湖春動梅魂
返東洛秋涼鶴夢牽帶月曉鐘雲際寺點星漁火雨
中船韓翁悵望滕王閣孤負登臨六十年

其二

蕭灑終無一點塵玉山亭子澗之濱曾畱遜世幽棲
地幸有傳家冑構人入室暗香煙外朶對庭清咲月
中身東方復見林和靖歸樂高風爽我神

自驪江向漢陽舟中口占

經年謝病卧江關分竹于今起廢還強把琴書移小
艇愧將容鬢照清灣青春欲半日邊路白雪未消天
畔山安得桃花流水上一竿長伴野鷗閒

西郊春夜別席走次元命汝相贈韻

聞道關東勝原爲第一鄉入秋山色秀當夏水聲涼
自恨分符晚休言告別忙醉中驚落筆知子繡肝腸

水村解纜向原州

昭陽江水碧於苔流繞楊根峽口迴歸棹遲遲偏惜
別東風欲放岸花開

平昌客館次板上韻

桃花流水繞村居疑是逃秦舊俗餘四面青山環郡
閣一羣黃鳥下官除民風甚古曾無訟公務長閒可
讀書餉客別誇盤上味紫芽新蕨錦鱗魚

其二

老樹蒼藤咫尺迷居人亦未辨幽蹊新遷避石斜穿
樾古步移舟側渡溪處士家深遊鹿伴使君樓迥宿

水村集
雲棲山如永叔滁州記無數峰巒碧不齊

山路

山路深深信馬蹄兩崖終日子規啼偏憐石上青楓
樹罨畫斜陽一曲溪

平昌峽路見巖石甚奇

疊玉層巖面面奇清溪映帶綠蘿垂憐渠獨隱深山
裏千丈高標世莫知

躑躅

躑躅層層亂石間繁紅倒映小溪灣山靈似惜來遊
晚畱得餘花慰客顏

中秋省先墓于三山歸到忠原之境馬上口占

八月關東路西風酒一壺斜陽數點鴈秋思滿江湖

次元命汝韻寄遂庵

龜潭消息有誰傳雒岳秋容在笏邊惆悵玉人難再
會祇今離夢月中船

次李甥以榮原城客館守庚申用唐律韻

北風吹雪撲窗寒共守庚申坐夜闌如客得歸君豈
客以官爲隱我非官織歌倚瑟聲逾艷醉筆題詩墨
未乾報爾三彭休上訴已知天命飽艱難

題日錄 戊子

可惜吾身奈老何一生言行悔尤多從今日日須三省案上茲編是斧柯

次題守源上人詩卷

春來慵懶病相乘虛室蕭然小几憑天姥仙山遊未了睡魔驚散叩門僧

其二

師來江上復何歸東指煙霞有石扉自說山中淡生活松花爲飯草爲衣

其三

孤負金剛六十年忽逢歸釋意茫然蹇驢安得隨飛

錫賞及山花未落前

病卧驪岸用袁中郎集中韻口號走筆

卧病囊無藥對食盤無鹽青山不棄貧朝暮入破簾江光復何似西子新開奩剪刻百卉芳且喜東風銛江潭固其分何用卜鄭詹况余蒲柳質秋霜換髮髯採駿宜舍蹇擇鮮寧取醃羞見金貂子驕癡附贅闍且莫誇謹議李杜曾見殲所以耳欲塞所以口欲箝閒卧北窗下至趣在黑甜得詩時一吟有酒時一拈倚杖濠梁上靜觀羣魚噉

訪農巖

輟棹依沙岸扶筇訪子居小村花落後虛閣月生初
久別憐多病相逢喜講書三山長在眼宜與世人疎

農巖金判書仲和 昌協挽

孰謂松筠貞下却農巖烈誰道芝蘭芳媿殺農巖潔
嗟嗟農巖子三代上人物氣宇藹春風襟懷皎秋月
胸儲萬卷書獨明性理窟詩文洗陳腐復見漢唐筆
有學可經綸有執可黼黻遺榮跡自廢埋照光逾澈
天生既不偶天奪又何卒玉樓帝召催蒼陸奎輝滅
士林係輕重邦運關存沒所以舉國人痛惜咸如一

其二

老天不佑善賢者多窮阨今日哭農巖我心寧無感
奕世名相卿兄弟並蘭玉早歲擢龍頭蜚英雲路闢
奈何中履否泣血遯荒谷日月雖改照謝病仍淪跡
安石竟不起蒼生亦無祿布褐不禁寒菽水不謀夕
位崇家益貧道高禍逾懣頻年喪子女窮獨壽更促
朝得相公書謂圖泉下樂吾今葬吾弟文正公墓側

其三

石室古祠前子居枕江岸而我過其下繫舟門輒欵
清晤及論文媿媿忘日肝今春又相訪上堂共一粲
自言苦沉痾瘦削容髻換空對滿架書閣筆謝詞翰

留我惜分携饋我山蔬飯別來未云幾聞子忽捐館
病裏驚起立一慟腸已斷汪汪千頃波曾發林宗歎
從今白首翁忍過羨湖畔三山閣上月寂寞照虛幔

次工判尹子由

以道

韻作慶尹元命汝別語

梧桐葉落鴈呼羣一夜秋聲帶雨紛悵望已生徂歲
感勞歌况與古人分蓴鱸逸興君輸我琴鶴清風我
付君筵散城西獨歸路亂蟬千樹若爲聞

赴密陽路宿清川村舍用睡村相公贈別韻寄

遂庵

高秋遠逐鴈南征誰折黃花送客旌寒水齋前今夜

月獨分清影照吾行

過商山訪成師傅

晚徵

不見商山隱居然已十秋偶因官嶺徼今得到林丘
形役嗟吾老塵緣羨子休忽忽一會罷寒菊倍離憂

三浪江倉漫詠用姚桂巖遊西湖韻

偶因公事得偷閒佳境誰知在此間西子顏闕窗外
水文君眉掃檻前山微茫浦澈帆檣隱幽絕巖崖竹
樹斑意不在詩詩自就暮天風雨朗吟還

寄沈持平汝揆

宅賢

喜聞將母到柴荆千里逢迎意自傾佩虎固宜吾被

大村集
譴乘駮何苦子辭榮天寒大澤魚龍蟄日暮空村鳥
雀鳴今夕正須相就宿霜溪素月曉猶明

次李甥韻

凌波高閣使君居復有飛樓百尺餘蘇子夢中人是
鶴莊生水非魚行裝蕭灑神仙近境界清奇繪
畫如吏隱此間真謝世御風何必更憑虛

和山陰王山寺僧清運寄詩

己丑

人自東風鏡水涯桐鄉老宿寄新詩王山報道春依
舊古寺叢梅月掛枝

向大丘少憇梧桐院

平生自許是奇男遊宦棲棲老不堪一世啾喧分內
外數年蹤跡遍東南郊原細草梧桐院巖石層花佛
栢潭今日頓忘行役苦暮春時物近三三

在三浪倉舍寄沈汝揆

村北村南綠映紅江山十里畫圖中蒼顏白髮憑茅
棟宛是臨滁一醉翁

其二

三浪江接下東村春日論文阻一樽且趁水花猶未
落小輿相訪叩柴門

在三浪倉廨收春稅次成進士彥周韻

哀我顛連未救飢距心之罪距心知叨蒙增秩踰千
石報答分憂之一絲無麥正傷仍歲儉索租何望趁
春期祁祁好雨催耕種願洽公田更及私

和巡使洪台

萬朝

到嶺南樓書示韻

何幸相迎勝地遭飛樓千尺壓層壕舟中過客疑爲
鶴簾外浮山悅戴鰲愧我詞鋒三舍退喜君詩格十
分高從今欄檻增顏色畱得紗籠映墨毫

感秋寄遂庵

梧桐葉落見秋風明月南樓陣陣鴻憑欄忽作仙巖
夢二老扶筇水石中

以事到東萊贈府伯權定卿

以鎮

求和

萊州地接海冥冥馬島東看一點青大貝南金豐貢
賚輕裘緩帶肅威靈樓閒靖遠眠花月軒敞寅賓讌
使星蠻舶倘從徐市宅試詢秦火未焚經

贈李接慰

世瑾

每憶關東路班荆斗尾灘蓬山今日會萍水又天端
佩竹飛鳧舄舍綸戴豸冠高樓歌酒席且共主人
歡

沈監役

潤

挽

庚寅

重陽別榜嶺南傳驚把魁名喜欲顛得第似吾何太

力才集不
晚抱關仍舊未曾遷用之必有可觀者老矣所操猶
確然親懿故情增感慟忽聞哀贈 聖恩宣

李叅判 思永 挽

春翁門下受深知許國忱誠盡瘁期利器自因盤錯
見剛腸不爲沮磨移三持玉節威風凜五長銀臺鬢
雪衰卿月未昇才未究定畱餘慶付佳兒

次贈李甥以榮歸益山 辛卯

憐爾棲棲無所之奇才落拓少人知不因窮阨烏能
激休道飢寒或坐詩携眷旣孤居洛計移棲苦乏買
山資男兒會有雄飛日莫愧蘇秦大困歸

韓叅判 聖佑 挽

玉立朝端衆聳觀清名直節始終完再宣仁化烝民
頌三抗忠言舉世難素性豈移薑桂粹孤芳獨耐雪
霜寒今如孔老嗟何得請取黎公奏疏看

其二

交情世世弟兄同相對居然兩老翁人事悲歡俱幻
蝶宦遊離合摠如鴻壽星驚晦丹青暮喬木悲摧故
國空回首海山詩酒地獨畱寒月掛禪宮

寄鄭都憲仲淳 滯 甲山謫所

忽忽襍被上門東一握相分語未終別後半年音信

阻春來三夜夢魂通魏書讒謗如山積燕筆文章過
嶺工君子素心安義命想應髭髮似涪翁

其二

風霜絕塞已回星憔悴誰憐澤畔形萬死不渝心膽
赤一生無愧簡編青三言可使慈猶惑衆醉如何子
獨醒 聖渥定隨春雨霈不須頻上望鄉亭

試院偶吟示同席諸公

明經多士藹雲屯大比南宮亦 聖恩九闕漏聲風
外永一城春色雨餘繁芝蘭於此初同室桃李如今
盡在門慚愧是翁空倚席欲詢書義已忘言

贈別李郎中

邦彥

以通信從事赴日本

爲誦秋翁誓海文此行何遽讓清芬館臨賜谷三竿
日帆帶蓬山一朵雲杖節世皆誇陸賈請纓吾獨媿
終軍人間異事憑君請倘得全經火未焚

秋至

忽覺新秋至長吟擊玉壺三星流大火一葉下高梧
暑被風涼殺痾因雨霽蘇布帆無恙否歸思滿江湖

寄三一子

申斗柄

蔚珍山棲

拋却紅塵萬累輕入山心跡喜雙清知君一粒丹今
就滿地黃金月魄盈

其二

心存丹訣跡紅塵恨未逢師七十春如今始覺尋真
路只在吾身不在人

洪三宰君澤

受憲

挽

皎然仙鶴下人間拭目風標迥出班直則松筠剛則
鐵清於冰玉重於山行藏志業神明質用舍存亡氣
數關歲早竟孤霖雨望奈如箕尾遽催還

騎省分司直廬次金最良

盛最

述懷韻

不歷名塗險那知世味辛自慙宜去者猶作未歸人
種藥休憂病耕山肯患貧携家東峽計吾欲及春新

其二

不歸緣底事京洛飽酸辛着足曾無地論心幸有人
江山誰禁主芋栗未全貧近得家兒報方營草屋新

十月廿八日右台東岡公携酒到尹判書子由

家招呼同庚三友即李都正士安元承旨命

汝及余也李扞城泰卿李成川春卿兄弟亦

以近隣邀來會者七老齒過七十者六獨春

卿六十九此亦世間稀有事也是日大雪余

適末至同醉臨罷咸曰不可無詩東岡公使

余先唱敢以拙語呈諸公求和

東岡趙相相
愚號子由尹

以道字士安李弘逸字命汝元聖俞
字泰卿李東亨字春卿李東菴字

城西雪會偶然同一席團圓七老翁丞相高軒勞涉
遠尚書新檻喜臨空目窮千樹梨花白顏借三杯竹
葉紅末至長卿叨授簡鄒枚在座敢爭雄

又次命汝韻

台軒更僕至三廻喚起西城病叟來小集便成耆老
會好懷何待管絃開天公送雪宜投轄人事如雲且
舉杯後約丁寧須趁臘主翁窻外有新梅

李監司子東

海朝挽壬辰

生如不偶奪胡催何處斯人更得來可王文衡承緒

業倘居公輔有餘才虛拋大器多年久薄試雄藩一
歲纔中夜老翁頻撫枕此情寧獨為私哀

其二

前旬一札報平安急訃相仍淚自潛年誼暮齡同折
桂世交平昔本如蘭東村酒席從今散南國巡車幾
日還舊贈陽關三疊在篋中畱作翠琅玕

浣花堂八詠

選五

一番佳雨一番風遠近霞蒸十里紅滿眼韶華看不
盡莫教行處酒餅空

杜陵賞花

其二

西疇南畝互歌謳慰滿三農喜雨收歲未及秋心已
飽一坪禾黍望油油

確野觀稼

其三

烏棲山下烏欲棲烏棲山上日初低影射落霞紅散
綺半輪舍在翠峰西

烏巒落照

其四

放牧山童出洞門手橫長筴度平原夕陽牛背閒三
弄時逐春風落遠村

蕪洞牧筴

其五

蒼煙一帶鎖平郊薄暮前村近更遙最是望中微雨

濕海神來展軟鮫綃

滕丘暮烟

尹永平之贊挽

老夫不但化父知生是夢同歸早晚事何用苦相痛
獨於吾君亡不覺哭之慟斯人更難得資稟特殊衆
秋鷹豪整翮天馬逸脫鞚才大世莫知文高科不中
嗟嗟一縣尉虛老受飢凍托契五十年從遊聯伯仲
吾嘗弟畜君相照心膽洞佳會劇歡笑勝景恣簞弄
長歌與短詠和酬幾吟諷不謂七十翁遽抱絕絃恫
惜哉年已暮倏蔽丹青鳳若使早見用材豈負樑棟
風雪漢江路轉車發倥偬此別已吞聲猶將雙涕送

夢有近族不記誰某新生男兒作卷以送求祈

祝之詞首題以贈 癸巳

兒生必感老人星奎宿台纏並曠明相業文章兼壽
考世間洪福有誰爭

元水部命汝宅見鄭可叔寄詩和韻以報

偶到丹丘宅仍吟谷口詩殘梅破臘後微雪上春時
少一真堪歎成三杳未期東風吹漸暖思共泛花卮

贈別沈玄玉 玓 赴金堤

湖右多名郡金堤亦足誇郊原皆稻穗亭館遍梅花
信美宜分竹優閒可及瓜春風數行鴈無惜寄瑤華

鄭可叔復和前韻寄來卽次以報

今朝忽驚喜又得故人詩悄悄孤眠起依依悵望時
老來無樂事春到負佳期闌寂誰相語呼兒進一卮

贈別鄭宗之 必東 令公赴江界

春風五馬動鳴珂且向樽前出塞歌餘二十年處臺
省過三千里守關河層城列陣森旗纛高館張筵擁
綺羅 寵擢恩深何以報望辰應自上樓多

次洪于海韻

齒豁頭俱白何須各問年功名寧拖紫事業謾談玄
住乏三間屋歸無二頃田相逢且相笑共作飲中仙

金進士 昌緝 挽

漢湖之哭僅三年君又如何繼上仙處地固窮今世
少出天敦孝古人然吾將一束生芻豢誰復諸經奧
義傳仲叔俱東阿季逝相公疇與大衾連

韓司諫 永祚 挽

榮進之心冷若灰十年臺省漫低徊持評醞藉言無
過遇事堅凝志不回誰謂斯人遲玉署更看同列盡
銀臺吾今老矣寧傷化別有中宵撫枕哀

元叅議 聖俞 挽

人間至哀痛唯有死生別生者別死者哀痛亦非一

孰如吾兩翁臨老遽相失命汝與大仲其交世罕匹
托契五十年驩意如一日愛君性仁善坦夷表襮絕
愛君富文詞健筆波瀾濶喜君守澹泊身不隨冷熱
喜君秉公平口不及黨伐所以心莫逆相視笑輒發
况復生同庚少小社已結年年樽酒會歡譴抵日沒
半世老場屋共歎齊門瑟科名晚始就官位相等列
朝班每比肩映簪雙白髮且自數年來余寓邇君室
有暇迭造軒有懷互飛札三日不相見猶復思如渴
君居白門外寂無軒車轍蕭然塵不到滿架唯書帙
窻前手種竹長嘯卧兀兀得酒醉不休得詩吟不輟

平生詩酒興至死猶未歇而余不解飲唯以詩相埒
唱和數百篇或古而或律有時語得意矜誇互擊節
追思湖峽會比隣同佩紱清風與丹丘素稱山水窟
元白蘇杭遊千古可相軼乘輿輒命駕聯翩往來迭
春日鳳亭花秋夜碧樓月畱連自忘返歌詠歡未畢
時訪遂庵老何待剡溪雪提携賞勝境杖屨三翁出
孤舟載一樽幾向龜潭憂此樂豈再得至今夢魂溢
嗚呼元命汝是余風斤質奈何不同歸一朝先我歿
非獨爲君傷傷我形孤子從此擬絕遊舉世棄老拙
嗟嗟元命汝文雅多所述惜乎續箕雅纂修業未卒

誰與更論文吾今欲絕筆樂樂一孤兒對之自哽咽
媿我老病甚辜負臨壙訣書亦言不盡言亦意難悉
悲哉滿腔懷唯待重泉說

贈別俞季毅令公命弘赴三陟

真珠觀外竹西樓五十川涵太白流倘使斯人非道
骨詎能茲地作遨頭江山美處行春住歌管閒時伴
月畱絕勝耽詩何水部祗因梅蘂赴揚州

金忠州

鎮華挽甲午

清詩豈足盡君奇蓮榜高名世獨知至孝早看罹禍
日大才終識典州時誰將白玉加蠅點自是蒼生有

九木集
口碑皂盖忽成丹旆返漢流聲咽送舟悲

次二閒堂韻

閒不在於水閒不在於山閒者主山水水閒山亦閒

寄鄭可叔

細雨霏霏濕杏花想君今日未離家西疇春事雖云急且爲詩朋更駐車

贈別徐麟蹄

宗積之任

青山環擁大溪盤中關深深洞府寬此地何年花作縣故人今日棘棲鸞官田秣美陶公種衙閣琴閒宓子彈絕勝是翁沉苦海白頭簞蕩困波瀾

寄題香碧軒

從姪載元軒名

喜聞香碧號新軒未到先清老子魂一朶明花芳馥郁數竿疎葉影翩翩猗猗帶月侵書榻冉冉隨風襲酒樽兼得孤山淇澳趣是家何在杜陵村

送金川倅洪道陳

重疇赴任

吾將形勝問金川答道回瀾與朴淵石帶皇華畱萬古瀑垂銀漢落三天郎潛京洛曾多歲吏隱溪山亦一仙映水樓中閒夜月有詩無惜遞筒傳

贈別尹吉甫

憲柱令公赴星州

纔別鶴林與永嘉碧珍今日又驪歌洛中親友樽前

少朝右名流嶺外多豈獨民憂分漢竹將兼吏隱對
池荷 天門宴後仍辭去魂夢猶應繞 殿阿

沈高陽一卿 漢柱挽

嗚呼沈一卿棄世一何速誰人不嗟傷唯我偏痛惜
痛者爲斷絃惜者爲埋玉君素不喜交我本不諧俗
早歲偶相遇一笑心莫逆愛君如明珠溫雅美風格
喜君富清詞秀朗傳家則顧我無一可君獨取鱸櫓
論交四十載終始驩相得薄宦共潦倒久聯金吾席
奇氣鬱未舒相對輒不樂每憶仲綱第詩會恣懽謔
明燈互唱酬一夜篇成百適丁時運否俱作江湖客

我居麻浦岸君在龍山麓葛巾與藜杖來往不厭數
一日或不見有如三秋隔君家水明樓形勝冠東國
爽塏得賢主賞弄窮日夕花時並袂看月夜連床宿
寂是落帽節登臨幾泛菊長歌及短詠迭和喜逢敵
更有卯君在詞華聯棣萼盍簪日復日箱篋盈詩軸
歲在甲戌初携手同歸洛青衫復郎署白首猶場屋
行藏縱俱困相許非碌碌一第我晚就嗟君終落拓
驥蹶歷塊蹄鯉點登門額可惜青雲器棲棲祗銅墨
中多雲樹思宦遊頻南北自君解組歸閒卧滄江曲
憐我老未休美君多清福君胡遽升仙厭久留氛濁

才集
訃到疑非真驚呼欲喪魄坐拘朝家禮出哭已就木
噫我八十翁知舊盡零落君又棄我去益覺身世獨
有詩誰屬和有酒誰共酌江樓譚讌樂從此無復續
君既位未達奈何壽又嗇天報見子孫餘慶由善積
秋風吹丹旌明發向赤壁人間死生別西望淚橫臆
病違執紼送且負臨壙哭嗚呼沈一卿庶知吾肝膈
洪正士中 萬選挽乙未

少時儕友亦多人先數吾君席上珍清若冰壺懸皎
月藹如蘭室襲陽春誰知鳳穴初騰羽終作龍門未
躍鱗詞翰才猷無處展祇畱仁化八州民

任知事 弘望挽

三達尊兼五福全一門宗長兩朝賢直聲振世登臺
日仁化覃民按節年耆老班資加紫誥子孫科第繼
青氈傷今花樹同歡地誰復當筵酌最先

寄天官權尚書 尚游

水部官無事疎慵處取宜須令老何遜閒卧日哦詩
其二

諫省初非分師儒更不宜冬官閒散地端合坐題詩

送金員外 東翼 赴稷山 丙申

微官薄縣未云奇猶勝長安一布衣自是書生非俗

吏政聲單父在琴徽

宋判書玉汝

相琦

夫人挽

配德稱慈孝仁風相內宣封從八座貴嗣有一兒賢
匣劍龍分鏹床琴鴈落絃何煩百字誅應富悼亡篇

金判書達甫

鎮圭

挽

賢祖之孫名父兒法家詩禮有成規冰霜苦潔生無
累薑桂采辛老不移主試公明當世服抗言忠謹
聖君知嗟乎一鑑亡何速臨絕遺章字字悲

其二

早歲科聲再壯頭文衡赫業繼箕裘謙謙戚晚尊逾

畏眷眷師門歿亦憂每痛荆花飛已盡可憐萊子舞
長休一吟殄瘁詩三歎老淚非私為國流

追次李宗甫

泰鎮

寄呈睡村

一疏將留百代聲此行尤似古人行心懸魏闕身歸
野廊廟江湖豈異情

其二

故國霜前白鴈聲布帆無恙趁秋行望同蟲鷓分霄
壤奚獨衰年惜別情

李高敞

尚觀

挽

白眉曾是我知音仍復從君托契深卓爾不羣多遠

識澹然無累見冲襟茅椽未就三清洞苔壁空留一
雅琴獨爲元龍中夜痛九原應識是翁心

贈別李宗甫

泰鎮

赴牙山

丁酉

奇君遊宦異凡儔詩以開懷酒散愁傲吏行藏今得
所一麾江海伴沙鷗

金陵鄭可叔到洛卽歸走草贈別

問君何事去來忙報道金陵麥已黃京洛此行初偶
爾不如歸伴一糟床

贈別李伯瞻

喬岳

令公出按海西

驪駒一曲送行輶昨夜河橋暑雨收按節已稱當世

望憇棠將見庶民謳芙蓉堂近花侵檻孤竹城高月
掛樓庾興於焉知不淺有詩須寄鴈來秋

城西借寓

借得城西屋數間脫巾高掛對青山世間榮辱都歸
幻物外行藏自在閒獨有詩騷畱棐几寂無車馬到
柴關秋風已動蓴鱸興可見江帆不日還

漫吟

此身當去已多時老不行休敗固宜按劔人情終薄
惡摧車世路漸艱危羣言自古疑慈母三黜何曾愠
士師依舊峽江煙月在一竿閒趣白鷗知

申叅判華仲銜司馬回榜之會余病未往赴寄

一律

我公司馬在青春高第尊官近八旬今把菊觴稱慶
日正回蓮榜挂名辰同年舊友唯三老當世先生只
一人獨我莫能叅勝會病中瞻望漫勞神

東岡趙相公亦設司馬回榜之會蓋是申台同
年也余又病未能赴追呈一律

高閑慶席菊樽馨喜溢秋空好月盈蓮榜正回司馬
日台軒方照老人星同年耆宰相歡會早歲庚朋並
笑迎心欲奮飛身卧病悵然終夕望門屏

端懿嬪挽

戊戌

粵自 离闈六禮迎愛深佳婦 兩宮情嬰病尚備
居憂節嘗藥彌殫代某誠桂謝竟無花一實婺昏誰
助月重明新頒狀錄人皆誦 懿德將畱永世聲

其二

鳳翼將移曉色遲時當問寢欲安歸淒涼張燭朝陵
路想像鳴環展 廟儀中谷鷲飛春葛長舊宮蠶浴
夏桑肥祥雲瑞月渾蕭瑟觸境人間不盡悲

吳掌令

羽進

挽

繼世圖南壯蜚英冀北空政聲三佩虎風裁累乘驄

雅志居多退高才展未終嗟嗟傷惜意寧盡一詩中

鄭承旨宗之必東挽

瀟灑臨風玉樹姿又於今世見宗之直聲前後乘驄
日佳政西南佩虎時榮晚銀臺纔數歲慶稀蓮榜並
三兒昨開塵篋先垂淚疇昔交情盡在詩

其二

平生許與異凡流每憶逢迎勝地遊明月一樽湖上
舸清秋雙蓋嶺南樓我洋滾滾皆懽趣雲樹迢迢幾
別愁今日哭君知舊盡八旬吾獨世間留

任正郎璟挽

吾宗詞翰代有人歎君才格亦超倫能詩無乃文憎
達飽學如何賦逐貧薄宦棲遲行古道冲襟疎誕見
天真畸窮一世同羅隱丹桂應生塚上春

陽春閣七友會別元命汝赴商山追和其韻

一樽高會對寒花離思茫茫嶺海涯人似竹林無俗
物樓同白雪共名家雨收西郭蛩吟亂秋滿南天鴈
陣斜遙想洛東江上月幾回憑檻望京華

鄭成川可叔快挽

我與君相遇始在于麟宅一面交即深相得甚相樂
喜君腸爲繡愛君心如玉吾儕三四人於君俱莫逆

既對洪九言又携許珍叔然必有君在團圓不寂寞
相誇語驚人共笑詩成癖歌詩迭酬和杯酒恣歡謔
當時少年會樂哉難再得居然各老大潦倒從微祿
君自度支郎才望遂日積遷擢拔流輩屢典大州牧
清名與仁化到處留聲績我亦連佩竹悵望分南北
長勞雲樹思舊遊寧復續中間聚散多乍逢旋復隔
及此同衰暮親友盡零落獨餘吾兩翁相對頭雪白
庶幾同城住杖屨來往數君胡厭塵囂脫然輕去洛
廢舉昔所歎休官今可惜金陵江上村耕釣寄棲息
高卧北窗閒何異陶彭澤君雖別我去眷眷情不釋

有便輒寄詩累筒仍成軸書來忽告訃驚痛摧肝膈
温温好風調今世那更覲人間本一夢畢竟同歸寂
我今年八十悼君無乃局此生能復幾交期付冥漠
歛未憑棺慟葬未臨壙哭欲寄薤露歌未歌淚盈掬
嗟我滿腔悲九原君應識如逢洪與許爲報長相憶
已亥元日政余以年八十增加一秩吏判宋台

玉汝以詩相賀和韻報謝己亥

人生八十極衰年且莫嘲諧號老仙玉律回春逢正
朔金緋加秩荷皇天叨隨宰列初聯武敢望耆英復
比肩驚喜隋珠光照握上卿相賀寄新篇

耆老諸臣 親臨錫宴恩遇之盛曠絕古今相

與感泣而退不可無歌詠之作首輔夢窩相

公命陞唱始詩律以資酬和辭不獲已敢呈

二篇

黼座高臨別殿開老人星帶十人來一堂同樂南薰

奏萬壽爭稱北斗杯 太祖盛儀歡再覩 聖朝休

運賀重回微臣敢沐如天涯猥擢三資末席陪

其二

同醉堯樽酒五行社筵歸詫 賜杯榮眼前仙樂從

天降頭上 恩花映日明文富未曾當此盛狄盧何

獨擅其名滿城觀者紛如織爭頌東方壽域成

鄭判尹仲淳以病陳章徑歸到龍湖舟次寄詩

以別次韻相報

晴江動歸櫂何異御風翔蟲鷓嗟難及雲霄意渺茫

其二

來即翩然至去即脫然歸為問歸何速恐貽老鳳譏

送李伯瞻赴忠州

承明厭直且分憂才望看君內外優補闕拾遺纔諫

省剴煩理劇又忠州詩吟東閣梅收雨歌頌西疇麥

有秋早晚徵黃 恩命下載舟琴鶴幾時留

訪趙定而正萬坐上盆菊盛開定而請賦一絕

立書以贈

久別來相訪黃花爲客開欣然餘舊習畱得一詩廻

送金學士東弼赴伊川

金門鎖直老知樞悵別長吟將白鬚萬二千峰秋夜月夢中能得伴君無

余自安洞借舍移寓典洞李侍直顯之惜別贈

詩走次其韻庚子

是翁身世真堪笑南北東西不定居携橐縱無三斗粟行裝自有五車書出門惆悵今朝別比屋歡娛一

歲餘步履時能乘月否典醫西洞卽吾廬

金青山時潤挽

故人之子故人同每一相逢慰老翁喜見謝庭蘭玉在詩聲能繼乃家風

其二

分竹青山載病歸可憐人事半途非長安北望家安在 一片丹旌寄野扉

其三

薤露歌成涕自垂青山忍送伯兼兒君歸爲報吾消息八十無朋已廢詩

伏見

錫宴日

御製詩不勝摧咽領相既已

追賡以示同社諸臣茲敢不揆鄙拙攀和仰

瀆

侍宴賢堂似隔旬子車從殉痛難違當時 聖藻今

初覩斯世 恩榮古罕臻感誦真如懷拱壁寶藏非

獨 賜杯銀諸公亦復同吾否夢拜 先王數夜頻

肅宗大王挽

天佑我東國 聖神相繼興 先王以大德冲歲式

丕承體法惟姚姒躬行即閔曾深仁及禽獸至澤被

黎烝銘閣常箴警圖舟遍戒懲保懷憂倦倦對越畏

兢兢德化猶風動英明若日昇儒先咸表揭賢老盡

延登國是昭歸正官邪廓見澄 睿裁多夬斷 天

度出剛凝悔悟 坤宮復更張泰運升舊冤伸愍墓

新號上 莊陵永慕 皇恩遠追遵 祖武仍禁中

傳壘古苑後報壇層一統春秋炳三韓禮義增菲躬

衣補綻虛已木從繩盛世從今見昇平配古稱北無

邊鄙聳南絕海波騰縱有 徽名赫寧揚 聖德弘

千秋不刊業編簡照來乘

其二

至矣 先王聖殷周可比隆心傳精一訓躬積緝熙

功達孝超今古純誠貫始終春秋展 原寢晨夕候
慈宮御講三時輒臨筵五日同不違文食暇恒惜禹
陰空民瘼憂猶已天災痛責躬救荒蠲租賦捐帑活
饑窮積瘁緣宵旰遐期祝顥穹 光臨四紀內違豫
十年中降入者司日遵行 太祖風別堂親錫爵前
席竟呼嵩盛事未云幾真遊何太忽至哀如考妣窮
谷遍童翁從儉遺音在方喪古禮通叫天瞻 駕遠
無地答 恩洪御宴曾倍厠朝班最老癯 寵綸前
代曠榮秩上卿崇蟻榭空懷願烏弓祗抱恫每瞻靈
壽閣雙淚輒盈瞳

任執義 洞挽 辛丑

吾宗卓出見風稜期以先公緒業承 夔屈幾年長下
邑鳳鳴今日老中丞堪嗟一疾醫無效可惜高才展
未能獨喜盛門餘慶在二郎聲望溢瀛登

贈別洪子九 得範 赴通川

昔我爲童在郡衙手栽梨樹小溪涯別來七十三春
過試訪枯查花不花

次金子三 壽錫 淳夫 壽鏤 兄弟相贈兩絕韻 壬寅

愧吾何事不歸山汨汨風塵多苦顏幸得映波亭上
卧滿江煙月飽清閒

又用前韻相貽

不獨怡神江與山對君兄弟輒歡顏名亭日與佳朋
會四美二難非等閒

次金子三兄弟用朴思庵韻見贈

故人呼我促樓山何事行吟獨佩蘭冪地煙埃紛漠
漠接天風浪浩漫漫陰崖雪在猶含凍春渚陽生尚
覺寒水退瞿塘知有日莫將孤棹泝危難

暎波亭夜詠

突兀高亭倚半空登臨恍若馭冷風長江大澤雙趺
下曠野羣山一望中地與兩宜相較勝人將東岳孰

爭雄滄洲獨有黃昏月來伴欄頭鶴髮翁

其二

玄石江流清若空暎波亭子迥臨風逢春上日詩三
詠對月清宵酒一中愧處朝端唯守拙笑來村裏自
稱雄休言棄世求閒適翁不求閒世棄翁

次答從孫述

一心忠愛死難休雖處江湖豈忘愁感泣 先朝恩
似海夢中依舊侍龍樓

其二

春明一出即閒休謝盡人間萬斛愁望美西方猶未

已白頭終夕倚江樓

族孫承旨 守幹 挽

光承先業與兒俱八代魏科世所無早歲顯榮期遠
到晚來潦倒坐何辜嗟今一病催歸化傷我諸宗漸
覺孤泣望鄉山埋玉地廣陵殘日冷春蕪

次黃台子羽 一夏韻

獨立敢言觀此翁時危自古始知忠空聞衆怒斷斷
噬誰辨孤臣斷斷衷故友平生唯我在此心雖死與
君同今來天借相從地咫尺江崖細路通

寄子羽求和

沽得前村酒一甌與君期會飲江亭紛紛舉世人皆
醉漁父今應笑獨醒

其二

兩老相逢會一江詠詩成軸酒盈缸憑欄盡日間臨
水時有飛來白鳥雙

觀江一律又寄子羽求和

朝暮臨看百態生江神爲我助詩情如山洶湧潮頭
壯似練澄泓水面平逝者如斯誠可歎觀之有術信
分明吾將永作滄洲老一葉扁舟泛宅行

復用甌字韻寄子羽

醜來村酒凸雙瓶且對春江倚小亭請子試看今世
事祇宜長醉不宜醒

復寄

坐看萋萋芳草生倚欄江上若爲情有時閒興憑詩
遣無限羈愁得酒平杜宇每醒孤枕起桂輪偏向小
窻明西洲且待春暉暖問柳尋花與子行

更寄子羽

屏黜逢迎漢水涯爲君相賀未曾嗟老臣憂國言無
隱 聖主推恩罪不加三島名區長對案二翁奇遇
卽鄰家春來自有消愁地一帶澄江兩岸花

復寄

春明門外卽天涯回首終南莫歎嗟玉上青蠅徒自
污朝陽丹鳳更誰加無從禍福隨安命有分江山着
處家早晚金雞 恩命下與君歸賞洛陽花

復寄

人事無涯生有涯達觀於此不須嗟已知歡趣隨年
減猶愛韶華逐日加隱隱青帘飄酒店依依碧柳繞
漁家携樽爲向東風語催發江頭樹樹花

又寄

二老臨江住相鄰若有緣冷風添疾病多日阻團圓

未解迎徐榻難登訪戴船一樽終夕會且待杏花天

和報

子請觀時勢吾將謝世緣言言離上下事事易方圓
盡掃長城堞虛橫野渡船昭昭應祚宋誰敢竟違天

復寄

偏側居南北江邊小逕緣我家憑岸隄君舍對沙圓
有客尋村酒呼童問釣船相邀最歡處雲散月中天

次子羽壽席相贈韻

與我生年月日均老君無乃是前身彭殤不一皆由
命八十加三又見春兒獻上樽真勝會翁逢初度卽

良辰得公同醉人間樂從少心交老益親

次金子三韻

赴會江樓且莫遲是翁初度在今時隣迎扶杖腰金
老堂有稱觴佩竹兒極浦遙臨春景早衆賓皆醉夕
陽移耆筵舊事君休說語及先朝淚滿卮

次子羽台更寄他韻

初因罪黜卧江湖老得安閒孰若吾佳境正當圓桂
魄醉辰仍遇射桑弧朝陽子昔翩翩鳳春浪儂今泛
泛鳧樽酒一歡寧盡興往還從此短筇扶

次金子三韻

才集
前去彭齡問幾年花生兩眼雪盈顛唯當屏蟄稱閒
叟誰復褒誇號老仙遇客可無同榻飲臨江或有倚
樓篇塵埃萬念都消盡日覺胸中漸灑然

李安東

益著
挽

親懿深知自少時英才拔萃大家兒十州純化嗟誰
及二品崇班恨太遲青眼幾年魂夢阻白頭今日歿
生離遙思湖墅傷心處八卦亭空片月窺

次子羽韻

小亭終日大江臨水國春寒晴復陰素練雲間明遠
浦翠眉天畔露層岑荆樓賦爲消憂作夔峽詩多戀

主吟喚起蒲團歸洛夢杜鵑花上有鳴禽

復和

江湖勝境與君臨坐到西窗逗夕陰近海潮聲喧白
浪遠天山色秀青岑和風日至披襟受佳句時成擊
節吟此老忘機知已久靜中相友只沙禽

復用前韻求和

二月將窮三月臨妬花風冷天常陰依依暎水此村
樹隱隱浮空何郡岑解榻未成青眼會倚欄長作白
頭吟身閒自樂有誰管美爾羣飛江上禽

又寄他韻

九木集
心樂江湖爲少畱笑吾身世似萍浮新花折處頻移
席好月來時獨倚樓可惜今春寒食過每懷疇昔洛
陽遊除非一竿前村酒誰破人間不盡愁

次復寄韻

離塵棲息似山雞愛見江郊草色萋過客門因垂柳
訪漁人路被落花迷樓瞻拱極星環北家對朝宗水
向西尚戀終南回首望愧聞林下子規啼

復寄他韻

今年寒食又重回老覺人間節序催天遣兩翁江上
會春教百藥雨中開三公不博詩千首萬事無如酒

一杯盡日洲亭閒共倚白鷗飛去復飛來

次更寄韻

西湖勝跡爲君談何必今人比古慙岳老舊居亭號
兩洲翁遺宅浦名三江山若此真佳境詩酒如君亦
好男襲鑠是翁閒得地不須勲業羨征南

又寄他韻

朝來騁目望沙汀楊柳初黃草始青濁酒三杯移野
席清江一曲抱村亭詩情滿腹聊消興世事傷心不
欲聽唯有隣居黃叔度白頭相對共忘形

從孫述餉以新魚題寄一絕

爾從何處得鱸魚三尺銀鱗寄餉余
雪鱸登盤仍把酒忽生歸興季鷹如

復用他韻寄子羽

高亭霽後爽然憑濶遠江山勢益增
大水接天奔浩浩羣峰拔地聳層層
詩如得助誇張子語不驚人恨杜陵
春晚更逢花柳盛日携隣老醉同登

復次以寄

禍福從天問莫憑任教衰病逐年增
春江月浪閒千頃宦海風濤苦百層
獨我先朝蒙聖澤祗今中夜泣明陵
老臣無處丹心寄望北危樓日日登

復次

水榭蕭然盡夕憑眼中春色漸看增
新花吐蘂粧林薄弱柳垂絲護岸層
此世莫如閒日月幾人能得壽岡陵
名亭勝友真奇遇把酒吟詩盍共登

復次新韻

白沙汀畔小亭前三月春江欲暮天
習習輕風吹客棹霏霏細雨濕村煙
憑欄遠眺忽生興岸幘長吟初罷眠
漸覺老翁詩得助渚花浦柳日增妍

復次前韻以寄

如將圖畫掛吾前坐覺壺中別有天
樹色朦朧花似

霧江光隱映水籠煙春來勝地皆詩景老去閒人只
醉眠且待樓頭三日夕一眉新月上妍妍

三月三日寄子羽

東風三月漢江濱節物居然已暮春今日正宜浮白
飲一年初得踏青辰繁霜滿鬢終誰變細雨催花漸
自新兩老於斯閒趣足不妨俱號葛天民

復次稀字韻寄子羽

玄石名區絕世稀倚江亭榭敞翬飛壯觀波浪兼天
湧清對煙霞捲夕霏近水繁花迎雨放繞林羣鳥喚
春歸村醪莫道無錢買已有家童慣典衣

復次前韻

律法用王摩詰酌酒與君君自寬體

春冷如秋近歲稀綠楊何處見鶯飛終夕谷風吹習
習暫時江雨灑霏霏戴白漁翁移艇去踏青遊客曳
筇歸三月已看三日過老人猶着臘前衣

更寄新韻

是翁詩酒近來加一笑回思更一嗟世事已看衣狗
變人言誰辨玉蠅瑕從天禍福皆吾命隨地江山卽
我家不醉不吟那可得暮春花放月生華

走次新韻

幽居靜閨絕喧囂唯對前江早暮潮扶竹相尋從昨

歲煮花初約在今朝招邀解榻雙翁會談笑開襟萬
慮消飲罷歸來還掩戶寂如禪舍坐參寥

復次以寄

睡覺林間羣鳥囂起看門外大江潮行藏淡淡宜山
野名利茫茫遠市朝臨水花明宵雨過際天峰露晚
霞消憑欄眺賞無人共別界逢春轉寂寥

更用加字前韻以寄

幽趣逢春日日加世間人事不須嗟君如松栢皆知
秀我似瑾瑜莫掩瑕疊巘歸雲開畫障落花流水繞
仙家此中真樂雙翁在相對皤然兩鬢華

更寄新韻

前臨沙渚後崖巖門逕蕭然草不芟江舍亦堪當雨
庇野衣今已代朝衫磯頭斜日漁翁釣浦口長風賈
客帆對境時時佳興發杏花村裏寄詩函

復次以寄

離塵恨不早棲巖遽見芝蘭盡被芟南海愁分諸老
袂西湖喜把故人衫有懷趁日扶藜杖無恙何時掛
布帆點檢行裝還自笑一生相伴數書函

更寄新韻

坐對春光日夕佳東皇似慰老夫懷清江極目花沿

岸芳草連天柳拂崖世事傷心非我獨詩篇得意與
君皆時時訪戴綠乘興手有青藜足有鞋

更寄新韻

洲名玄圃與仙同此地天教着此翁近水亭臨明鏡
裏繞花村在畫屏中韶華滿眼三春暮世事回頭一
夢空欲把匏樽閒騁望綠楊堤上倚東風

復次以寄

不得於時處地同白頭江上有雙翁閒情淡醉微吟
裏春色深紅淺綠中猶勝紛紛行禦魅何煩咄咄坐
書空男兒大節觀終始期保忠臣烈士風

次新韻

東則君家西我廬并臨江水隔崖居日聞汀樹啼黃
鳥時有漁船賣碧魚將退潮聲侵檻細半凋花影映
窻疎閒中醉唱詩成軸事業春來亦不虛

復次前韻寄子羽

水村遺老本無廬漂泊江湖亦寓居春日方宜伴鷗
鳥秋風何待憶鱸魚落花洲畔行舟近垂柳門前過
客疎亭上遠颿吹兩袂浩然飛動若憑虛

復次以寄

西湖何處不宜廬玄圃幽閒獨可居沂上詠歸吾與

水村集
點濠梁觀樂子非魚有情窻對梨花近無分樽携竹
葉疎清景一年今夜最請看江月聳蒼虛

次崔器之

道文

寄贈韻

吾今老矣合歸農無德無才一病慵自笑文章同畫
虎竊慚功業類屠龍身爲世棄心還樂家得郊棲膝
可容耕釣湖山閒趣足子能追我許相從

喜雨寄子羽

嗟今一雨使人娛可見皇天救旱枯際晚陰霏從岳
麓達宵甘霖遍江湖正當日夜三農望庶使春秋兩
麥蘇耕種及時吾欲去田園不去恐將蕪

次族孫近杜陵草堂韻

烏樓山下杜陵居蕭灑三間有草廬四砌名花爲界
別一庭奇石與塵疎蔽身姑比依林鳥出世誰知縱
壑魚田舍處閒書可讀古人曾亦帶經鋤

次崔器之復寄韻

既退江郊號老農一生心跡太疎慵名非日下荀鳴
鶴才乏吳中陸士龍猥以鴛姿叨 聖渥久於鶚列
抗塵容白頭初服今而返好與田翁釣叟從

其二

菑畬經訓舌耕農飽學多君不放慵凜爾風裁宜戴

牙赫然雲路早乘龍誰知黃鶴樓中手纔得紅蓮幕
裏容可惜陽春無和者強將高調是翁從

復次前韻寄子羽

暎波亭下卽清江一水中分繞島雙殘月有情晴入
檻老人無睡夜開窻題詩未就空畱紙瀉酒猶存自
倒缸竊獨憂葵忘不得誰憐白髮抱丹腔

復次頃日回字韻

玄石亭邊沙岸回眼看春與水相催後江奔浪前江
逝今日飛花昨日開往事轉頭皆若夢故人携手且
舍杯百年未滿唯當樂寧歎韶華去又來

登兩宜亭舊址

奇哉東岳兩宜亭聞道蘭塢比洞庭渺渺江湖連海
白茫茫山野際天青各區物色同疇昔詞伯風流已
杳冥撫跡徘徊空悵望古階喬木老龍形

登栗島

兩翁乘興棹扁舟扶杖同登栗島頭江國縱觀窮四
境尚書遺跡照千秋殘春臺下花皆落斜日巖前水
急流最愛八株銀杏樹歲踰三百至今畱

次子羽扶杖習步偶吟韻

亭臨綠水俯青郊盤對山蔬與野肴檇櫟敢希高厦

用鷓鴣自托一枝巢傳筒迭和三春興扶杖相從二
老交此外寂寥無過者落花洲上掩荆茅

復次崔器之韻

重尋故土我明農去世心歡處世慵初似化歸華表
鶴更疑騎返葛陂龍近人魚鳥知前伴迎主江山獻
舊容最是暮春沂上路冠童相與詠而從

昔年余居江上十餘歲矣今又重來故云

其二

多君歸意在田農已向朝端進取慵幾處愁吟湘浦
鵬窮年慟望鼎湖龍掛帆自古稱無恙抱道何曾病

不容既有佳山兼秀水清風明月自相從

趙承旨鳴謙挽

晚入薇垣栢府來弟兄聯武上銀臺風儀淡雅寧諧
俗雲路遲徊不盡才纔報投簪深野去遽聞飛旆故
山廻傷心八十江村老薤露吟成豈瀉哀

春盡

靜卧經旬不啓關忽驚春色已催還汀花盡落空流
水野草相連只遠山今日羲輪嗟莫駐去年龍馭
痛難攀天時人事俱腸斷誰賀斯翁久世間

復次崔器之二律韻

不合居朝只合農至今無退一何慵安巢喜作知還
鳥處亢羞爲有悔龍鷗鷺依然前日伴江山宛爾舊
時容田翁釣叟同遊樂寧復簪纓貴客從

余自玄江移向桂陽黃台子羽惜別與之同舟
來登小岳樓使主人李上庠淶呼韻共賦

來泛巴陵一葉船岳樓同倚夕陽天茫茫遠岫浮簷
外渺渺長江遶檻前放跡相携玄圃老浪吟誰是洞
庭仙名區此會誠難得惜別今宵且不眠

暎波亭八月十五夜和報子羽示韻

玄圃中秋異景稠倘非仙老豈來遊清風吹月黃昏

上澄浪涵天素影浮遙勸姮娥一杯道且教蟾兔五
更畱今知物外消搖樂回首紅塵百事羞

壬寅秋赴咸從謫所與李尚書子賓

觀命

同行

至箕城分路口占贈別

秋風落葉散飛飛分路衡陽涕自揮却羨寒空南去
鴈叫羣能作一行歸

謫舍立春

絕域經冬病掩扉老臣於世更無希金雞不日頒
恩命好與青春作伴歸

其二

水村集
八十三翁在謫居立春今日歲仍除新添一齒如無
病五福稱先不願餘

甲辰立春

雖論臣罪如山大自有 君恩似海深霈澤定隨雷
雨解入春陽復見天心

其二

又逢春至意難堪去國離家歲已三
八十五翁今日
祝願扶衰病早歸南

水村集卷之五

水村集卷之六目錄

應製錄

祈穀祭文

龍山江楮子島祈雨祭文

六賢將陞殿內位版改造先告祭祝文

濟州漢挈山別 致祭文

北郊癘祭祝文

卒光恩君金鎮龜 致祭文

卒領府事尹趾善 王世子致祭文

卒叅判李思永 致祭文

卒判書洪受憲 致祭文

故府尹黃一皓 致祭文

金川愍忠祠 賜額致祭文

卒監司崔重泰 致祭文

禮山縣 贈吏曹叅判金絳祠宇 賜額致祭

文

卒叅判金萬塚 致祭文

淑嬪崔氏喪 遣內侍致祭文

卒同知敦寧府事李弘逸 致祭文

教三道統制使李澤書

教開城畱守金萬塚書

教慶尚道觀察使李宜顯書

教江原道觀察使金相稷書

左議政金昌集再度呈辭不允 批答

領議政李濡三度呈辭不允 批答

水村集卷之六

應製錄

祈穀祭文

於昭靈祇主司方土博厚配天功化斯普惟我大東
寔賴保佑顧念不穀自速災咎比歲大侵餓莩載塗
前秋少登民未獲蘇歲首祈年靡神誰極賜我多稌
以彰明德

右國社

於赫明靈位宅中央載持資生配乾無疆粒我烝民
莫非爾極云胡累載荐饑斯酷昨秋少康幸蒙陰佑
神豈不仁予實獲戾肆遵典禮更祈嗣歲登我民天

俾無疵癘

右后土氏

仰惟尊靈稼穡是司以雨以暘恩化普施萬民之命
皆係神功比歲荒饑胡不我恫前秋有禾猶病菽粟
哀我赤子于何從祿茲涓吉辰祇薦牲幣豐年穰穰
垂我大惠

右國稷

恭惟聖神寔主稽功肇播百穀用成三農德施庀鴻
萬世永賴顧余不德召災累歲秋禾一登田粟猶歉
予遺餘民未免顛頷聊歲明禋祈歲大豐萬寶充盈
澤洽我東

右后稷氏

龍山江楮子島祈雨祭文

滔滔大江爲國之紀涵濡潤物夙著靈異今胡瘧我
亢旱至此及秋微霖乍灑旋止無望西成野輟耘耔
予用是急殫誠告祀責在不穀何辜赤子冀垂神惠
一霈千里

右龍山江

蒼然楚望宛在中洲澤物濟民雨暘隨求嗟今一早
自夏徂秋有焦其秀有折其疇間得霑灑寧滌鬱攸
靡神曷祈業業予憂冀監忱誠甘霑快周俾我烝黎
共沐靈休

右楮子島

六賢將陞殿內位版改造先告祝文

孟氏以後吾道無傳天啓宋運篤生六賢濂洛關閩

實接洙泗正統之繼匪諸子比等於殿祀久矣居卑
上陪宣聖於禮則宜儒相首議予志肆決自廡而殿
列于十哲今當陞奉先改版制并告厥由式薦牲醴

濟州漢挈山別 致祭文

耽羅一區海中絕域茲土雖遠實我南服截彼漢挈
爲其鎮嶽雄浮天表壯壓地絡世號瀛丘星照壽極
淑氣所鍾扶輿磅礴衆咸宗仰夙著靈德水旱疾疫
每禱必獲澤施斯洽民受厥福稽諸祀典報事自昔
久曠未修予心有感今此島氓阻饑孔酷荐歲大殺
殆將盡戮茲遣別价救拯焚溺仍舉明禮肅薦洞酌

冀降陰隲惠我烝赤風雨調順豐穰連錫予遺窮黎
庶蘇庶息於赫神賜永垂千億感頌至渥虔奉無斃

北郊癘祭祝文

予究徃紀災不虛至水旱疾疫由召而致夫何近者
厥災連歲昨農阻饑今民遘癘死殯于山生巢于原
山少閒土原或爲村八路遍熾京輦更酷遠近沸騰
人神慘毒一域之內沴氣盤礴十室九病餘者惴惴
如火燎原匪藥可濟衆歸世運予慚否德人和旣愆
神怒斯極降罰于予民乃橫罹若恫在已夙宵靡怡
神實咎予民竟何罪縱莫恤我寧不畏帝茲遣重臣

六才集
牲醴斯陳物雖不腆其誠則勤念爾羣靈惟人是托
人苟盡劉神亦乏食爾率爾類歆予明禮鑑予深衷
哀予下民消沴爲和起呻而歡俾我烝庶舉獲蘇安
豈惟民幸神且永賴益虔享祀以酬神惠神其降格
毋孤予禮

卒光恩君金鎮龜 致祭文

大賢之後名臣代出憲憲光城楨幹 王室篤生我
卿克紹先烈器度宏深風儀秀傑襲訓詩禮孝友修
潔拾芥巍科雲路脂牽細書金匱時望藹蔚處日月
際嫌絕毫髮逮登臺省持正不屈推明賢相被搆姦

孽惠文之彈當路氣奪 先朝受誣罪人在讞舐排
異論力伸王法雍容帷幄裨予學業宗儒升廡邪說
闖及一劄痛辨羣小始戢通才敏識外內俱協擢昇
保障僉曰允合且俾養望相言是納屢居喉舌不懈
晨夕曾避銓郎自以近戚嶺臬之辭亦由謙抑出莅
圻鎮大著聲績入長諫司愈見讜直湖藩展布惜未
煖席噫嘻曩事予所悔惡先卿之勲寔在 宗祏凶
逆餘黨甘心私復搆捏百端竄卿海國旣及逆案又
肆羅織終始保全幸予有覺六載更張賢進邪逐起
卿徒中升秩襲爵辨枉信讜直予哀曲受命巡撫東

南是察掃除宿瘼褒顯遺節闕逢誣獄予旣洞悉餘
疑及卿卽賜開雪暫釐陪都旋超卿月京兆秋曹咸
推剖決人言雖險卿跡雖感予本知卿嚮用殊特簡
授將符三軍悅服又遭跋扈十辭以釋勉膺守禦久
益效力堞壘繕完廩庾充積度支之判詳練節約賓
于胄筵輔導是責擢躋崇位以寵爲惕其在宗伯奏
覆明晰侮聖醜正嚴示絕斥晚掌本兵奈彼橫逆又
拜司寇身瘁務劇一病不起驚悼曷極卿以肺腑休
戚義篤而况儒家非許史匹自初立朝倚望已切豈
予私卿卿有本末最所嘉尚廉慎自律驕橫之云寧
此清酌靈其不昧庶冀歆格

卒領府事尹趾善 王世子致祭文

於休我卿國之柱石篤生名家克肖先德局度寬和
履操敦確以長者風抱負孔碩晚擢科第雲路振翼
歷敷三司實多裨益暨秉銓筆意在揚激單闕朋姦
賢傳禍迫危言一進擯南斥北陞秩守邊銅綬再易
改紀駟召代言承 渥超昇北藩化洽荒域屢長銀
臺迭亞衡席南漢建牙西河拭玉內外咸宜望實俱

赫消長之際進退裕綽起自田廬晉授宗伯司馬冢
宰捨卿誰屬政柄戎權獎習如濯金吾挈令克慎按
獄輿頌皆歸 聖眷采篤擢置三事不待枚卜台鼎
大位弟兄聯陟榮貴冠世今古罕覲卿惟感勵盡瘁
自勛一節終始爲公爲國休休德量斷斷忠赤朴素
清謹任性非飾耆會盛典並尊齒爵因病卽閒七更
歲籥天胡不憖騎箕斯速 重宸震悼士庶恫盡貌
台小子老成是式德義之傳庶藉誘掖曷極其悲典
刑永隔顧瞻臯比愴懷疇昔茲遣宮僚替奠洞酌不
昧者存冀垂歆格

卒叅判李思永 致祭文

惟靈資實勁方才則通敏賢門業專黌舍望峻初屈
祿仕陞以尉薦連宰兩縣聲績播聞科名雖闡運際
屯蹇棲遲下邑治理益見尊賢之誠不隨時變因此
被碁非罪繫狂亂宗之張曾不勞問事久而著予用
賞歎乍譴旋宥臺省始踐風裁自持言議簪簪衣繡
嶺外屺櫛無隱不負所使予嘗稱善朝論歧分勳舊
見擯卿不回互謗由是朕經幄史局徊徨莫進擢鎮
畿輔設施未半人胡屢憎醜詆無限頽三相言誣枉
快辨及授南節親老乞免賚物以養曲副情願累居

喉舌效多唯允姦壬當朝盡逐羣彥同罹一網荒裔
逆竄愍遠其親特移于近逮化之更首加需典歷試
外內不替恩眷三路觀風威惠俱遍江都保障如鐸
在晉逢歲荐饑賑活數萬土城改石捐廩請繕未就
而罷竟垂長筭暮年諸曹供職惟謹憶予病裏念卿
衰換云胡一疾奄告在殯迹卿平生既剛且緊持正
介石遇事迎刃恪勤匪懈燥濕不憚竭誠奉公操身
廉簡嗟卿之材可期邦幹始未早顯中又挫困晚猶
自守耻於媒銜肆止卿貳厥用靡盡矧屬才難尤切
傷慙奏對容儀况若在眇爰遵故制洞酌替奠不昧

者存歆予一餞

卒判書洪受憲 致祭文

惟靈重厚資性英毅風度粵在韋布望負公輔擢秀
巍科脂牽雲路歷敷華臚可儀其羽久處帷幄據經
陳戒勸勉進學章奏明剴臺端敢言不憚觸忤時予
處分有失喜怒爭臣之風見卿七啓其直可賞外補
旋貫歲當屠維叫閹流涕言旣不得自靖處義非罪
謫還荒野五載逮予更化趣召起廢復備顧問啓沃
多補務實之請深獎忠慮累長諫席蹇蹇論事及師
賢關斤斤造士參銓激揚不撓浮議銀臺玉署嚮用

水村集
無替松尹陞授月卿超畀試之外內望實俱懋司寇
度支績用益著淑問無冤姦竇如洗委之宗伯典我
三禮任以都憲振我頽紀三拜冢宰若衡若水仕路
爲清君子有恃世道是賴噎媚胡肆卿仍謝病自同
休致予不捨卿每軫簪履重授金吾望卿復起辭章
纔上凶問繼至朝失著蔡震悼曷已特加賻祿用表
予意嗟卿心迹雅潔無累居家純行立朝正誼毫髮
弗苟一生終始清苦之節冰蘖可比憂愛之忱進退
不二文柄台垣重望所寄登庸未究追念增喟喬木
遽摧耆舊誰在繫卿存亡時運攸繫興言殄瘁遣官

致酹不昧者存庶歆菲饋

故府尹黃一皓 致祭文

粵自丙丁冠裳倒易兵燹旣慘殺焰采虐烈士貞臣
幾多魚肉嗟嗟我卿罹禍最酷昔予輦過柴市在矚
追感往事使我心惻當卿尹灣冽泉念篤州有壯夫
歸正中國卿嘉其意爰卹家族狡虜憑詐疑怒益畜
甘心脅迫致卿不測臨歿陽陽氣若平昔拜北拜南
白日晦色獄中遺疏一腔忠赤千金莫贖百身奚贖
舉國悲涕 聖祖痛盡廩寡官孤哀榮備極惟卿此
禍人憐其毒予謂一歿大節斯植槩卿平生心跡明

白襲訓名父忠孝是續誓心殉國卽所畜積癸亥
反正流聞訛錯卿居遠邑擬從王蠋逆豎稱亂獨耻
主辱倡起縣旅迎謁道側南漢督戰願效死力拔劍
激衆殺退大敵臨媾固爭際危決策鶴駕赴瀋請執
羈勒凡厥樹立罔不卓卓祗今耿光土中化碧尊周
本志炳然可暴永念義烈曾加貶爵又節其惠特破
常格鄉祠賸食遠追階伯卿士爭請予懷尤激昔廢
賜祭恐煩耳目相臣建言今薦洞酌宜與三節一體
霑渥不書僞年以慰忠魄靈其不昧尚冀來假

金川愍忠祠 賜額致祭文

金川郡守青興君李重老防禦使李聖符豐
川府使朴榮臣瓮津縣令尹廷俊前府使李
師朱哨官權浩元張
緬前判官方滄等

粵昔甲子 仁廟初歲逆豎射天稱兵內弒凶鋒豕
突倏薄畿底列鎮皆靡莫敢抗制朝議持重欲乘其
弊青興獨爭慨然投袂 上壯其言授左防禦同時
受命亦有右拒軍容草草數百禁旅退步者誅扼腕
相誓急引兵西豬難是據豐瓮二守領卒俱赴副察
編裨自請來救賊使間至啗說我右立斬以循折其
凶醜五將激勵三軍奮怒氣欲吞賊殊歿血鬪以數
千疲當累萬銳寡豈敵衆知事不濟左帥徒手椎殺

六才集
七虜勇赴深淵顧諸校語男兒死耳義不受汚右帥
偏將相繼投水家僮泣挽斷裾聳墜惟朴暨尹初約
同歿力竭被執引誘降附是可忍聞俱發奮罵國
恩至厚何故反背爾速殺我我不從爾聲未絕口已
斷右臂嗟二義士一時支解交相罵賊比歿不止從
征兩校敗不挫志力戰終始不屈遇害幕下一士斥
候出使歸卽自殺下從其帥灘上是戰可謂壯矣節
歿之多何乃至此蹈忠履義炳輝千載至今凜凜尚
有生氣巡遠莫過杲卿可比樹立之卓亦罕前史
聖祖傷盡擊節興嗒十行袞袞日月昭揭前後旌贈

曠世恩禮睠彼金陵殉節之所遺蹟未沫一方景慕
建宇妥靈五享三配猗嗟忠魄烈烈猶在應爲鬼雄
邦國是衛肆予緬想崇報曷替有恤其祠新額載賜
仍命禮官各薦一觶魂兮歸來庶幾歆只

卒監司崔重泰 致祭文

璿源外派清河後胤氣稟精緊才識銳敏早魁柑科
卽選槐院秉筆前席守職被譴不替奉旨不移付硯
威怒弗撓勁操可見久屈卽僚際時屯蹇或南或北
非幕則縣逮至改紀臺省始踐能持風裁蹇蹇言議
諍逐驕宦論逆凶士有閔賢關明辨黨比有詆儒享

嚴斥姦醜妖僧佛事寔涉內隸請加查治箴戒勤摯
衣繡湖右採瘼詳備貶褒無私公議稱美孰誣三相
自取其禍一疏力白洞然辨破志存扶正他不顧藉
增茲多口終坐戴豸擢置銀臺克勤夙夜出按東藩
載宣棠化兇疏慘捏昭雪旣快海伯之除彈射奚罪
因枳舊踐親詢何帛惜多吹覓劾論相繼從是抹掇
遠補西齋嘉乃盡職再頒褒賚歸來京輦又復起廢
重入喉司鬚髮已皓云胡一疾棄世太早年未及暮
用未究藝顧瞻從班傷惜靡替肆命禮官抒辭以酌
庶幾歆格靈有不昧

禮山縣 贈吏曹叅判金綵祠宇 賜額致祭

文

惟昔休明莫尚 中廟於斯爲盛衆哲並造猗嗟我
卿挺生此際天賦旣粹玉温金麗弱冠志學操履篤
至節卓行懿翰墨餘事雙魁司馬一舉高第文正文
簡道義深契羽儀朝端三庵名世明良應期慶會千
載從頌經幄啓沃靡替致澤君民志回三代拭目雍
熙上下風動處同芝蘭出擬麟鳳噫天將喪奈不佑
善北門夜啓鬼蜮潛煽羣賢駢首一網誰脫志氣彌
厲三木非休履危猶泰視禍如榮流離竄逐十載南

溟元城嶺外叔子涪陵所守愈確平昔可徵蒙 恩
獲歸托命桑梓痛在蓼莪情切追稅廬于墓側披血
以終純忠篤孝令聞無窮允矣君子誰與倫比 聖
祖垂獎賤加爵位風聲益彰激懦千億士林推仰願
爲矜式睠彼烏山寔卿舊止遺芳未沫耿光猶在矜
紳合謀廟宇斯屹瞻依有所享禮罔缺爰錫新顏庸
示寵典不昧英靈庶歆明薦

卒叅判金萬塚 致祭文

大賢之後世襲詩禮資稟英明詳雅豈弟自從祿仕
已別利器旋闡巍科時望蔚藹處以臺省可尚風裁

繡衣前後俱得稱旨先卿勲勤在危疑際搆誣孔多
反以成罪亮徒潛賀以爲嚆矢卿時艱危多屏于外
以勞陞秩猶不樂仕已已慘禍奸壬所蔽六載乃覺
痛悔莫逮快雪先寃起卿島配泣血陳辭便欲自廢
嗟予眷念嚮庸靡替喉司諸曹命無虛歲怵分懷恩
末乃勉詣間或從宦報效匪懈東藩出守舊京徃理
恪謹奉職清約律已外內俱宜鮮得其比逮按畿輔
交承有碍甘凌之事予嘗責勵迫而乃赴不失處義
臺言孔慘予實未解諸臣辨明公義斯在因是解歸
益守初志累違除命輒示責諭爲叅候班晚始趨陞

一疾不起傷悼曷已跡卿平生唯事歛退早登瀛選
力辭不拜三爲諫長終不一就朋言黨論視之若浼
靖恭簡恬獨遠榮利惜其器用終未展施訃聞差遲
後時致酌朝典有欠追念增喟靈如不昧庶歆一解

淑嬪崔氏喪 遣內侍致祭文

惟靈柔嘉淑質塞淵雅性蚤歲入宮藹然懿行自詠
參昴載頌穆葛命安衾禔禮恭巾櫛翼翼小心夙夜
敬止吉協熊夢慶毓麟趾鸞誥加封象服增榮彌自
謹飭戒在滿盈逮予愆豫至誠侍疾焦熬不懈八載
如一積憂致傷無乃成痾云胡一病功蔑扁華退就

外第竟未復起仁而不壽福善難恃椒掖舊班環佩
永闕九原莫回六宮咸惻身後有托逝者何憾撫念
平昔予深傷感茲遣內侍陳此洞酌不昧者存庶幾
來格

卒同知敦寧府事李弘逸 致祭文

惟靈天潢瑞派麟鳳祥質才器俊偉詞彩卓絕妙齡
司馬兩試俱擢倘使任庸于何不適 私廟承重邦
制是局有蘊莫布寔予所惜嚮予展拜金緋超級佳
兒制闡載加壽爵祿位雖高兢戰采切居家操範孝
友出天式遵先志無少變易最謹祀禮誠敬至篤齋

水村集
心爨浴邊豆躬執到老如一病猶却肉姜被皓首愛
洽湛樂若斯懿行今世罕覲且其素性惟喜淳朴儉
化家衆侈絕華服盈庭花竹滿室圖籍居同寒士優
遊自得絕口時事樞機慎密匪意浮謗至寃登徹宰
臣明辨法曹平讞昭晰無餘猜嫌縮舌卿子罹咎旋
宥其謫 宗祀是重恩叙以滌予志既定外言遂釋
卿惟感泣報思粉骨病伏于枕危綴一髮喉中有語
尚問君疾平生憂愛益見今日喪耦匪久繼卽奄忽
遐表完禧無可恨缺顧失宗英曷堪悼恒茲命祠部
式陳河酌靈其不昧庶幾歆格

教三道統制使李澤書

王若曰國家之設置邊防海鎮最重朝廷之選用武
將統帥尤尊苟非處閩臬之材曷能膺廟堂之薦瞻
彼三路統制之地獨任一邦捍蔽之功盖自 宣廟
朝壬辰之艱屯始創斯鎮有若忠武公舜臣之壯節
首居是營鎮三海之鯨波龜船畱制敵之具控二嶺
之鳥道虎門傳洗兵之名措置得宜則壘域安撫禦
乖方則守備壞惟列鎮數千餘里實爲咽喉之要故
開營百十年來必慎心膂之寄何近歲衆瘼之已痼
而中夜殷憂之方深邊圉疎虞士卒起凍餒之怨財

力罄竭機械多鈍弊之嘆矧茲督帥之新亡以致戎
務之頓弛追傷征虜正切鼓鼙之興思往代朔方誰
令壁壘之增彩肆今日益難是選則羣議咸有所歸
惟卿詞翰名家干城宿望狀貌魁偉望之有御衆之
威志慮忠純論者許徇國之器雖居下土而累遷顯
秩人皆服其靜恬兩宰海郡而重管湖營孝則著於
榮養歌桑麥於南邑鴻鴈絕鳴澤之哀壯鎖鑰於北
門虎豹負在山之勢惟其歷試而累效所以嚮庸之
特隆茲授卿以三道統制使兼慶尚右道水軍節度
使卿其深體拔擢之恩益勵報答之志整頓部伍毋

懈若對壘之心練習舟楫俾盡如使馬之技蠻酋之
變詐難測宜謹備禦之方胡舶之往來無常詎忽瞭
察之策桑土之備政急所謂利器之於盤根蘖冰之
操已聞無憂明珠之於薏苡自餘臨機應變之道俱
在隨時相勢之宜於戲卿能絕患於東漁子可紓憂
於南顧瞻露梁之舊跡寧無曠感于今拜忠烈之新
祠罔俾專美於古故茲教示想宜知悉

教閱城畱守金萬塚書

王若曰易著守國之方亶在設險傳稱固圉之道要
係置人肆當營建之久成可闕摠理之專任矚茲大

興之城壘實我最緊之關防距西郊牛鳴之程天設
阻阨枕北虜豕突之路地當要衝保守苟堅誰敢窺
青石一步遮截亦易不須憂白峙他歧曩所以衆論
之共營居然爲獨鎮之重地捍衛京口形自據於咽
喉控接江都勢相倚於唇齒盡一府之兵籍守備旣
饒移近邑之倉儲糧用亦足節制初付於殿帥閫轄
晚屬於居留計無便於仍兼自有主者兵不可以遙
領何用分之然符信之旣頒尚管使之未昇嫌難自
請以致累歲之因循事有未遑豈非朝政之欠闕無
以易我卿矣必也正其名乎惟卿資稟精明氣度詳

雅名家挺秀業承大賢之孫中歲蜚英望歸清流之
士薇垣栢府謇諤之風已彰玉署銀臺補益之效自
著傷卿不幸於禍故茲予無替於嚮庸頃授東藩知
惠化之敷布累辭諫省見衷悃之冲謙由其才識之
疏通外內俱適嘉乃志操之公亮遷擢實宜出守名
都縱循同朝之僉舉姑輟邇列亦軫暮年之獨賢惟
丹忠與同於戚休顧利器可別於盤錯茲授卿以閩
城府畱守兼管理使卿其深體至意勉殫乃誠秩視
貳卿仍掌陪京之鎖鑰官居一鎮兼摠偏將之韜鈴
撫兵恤民使同赴於水火修隍備械期比固於金湯

地小彈丸凋瘵之慮已極村空擔石貧餒之患政深
若何以牧御得中終至於緩急有賴矧自邊憂之微
警尤念鎮戍之多疎牖戶撤桑克盡陰雨之備重門
擊柝何患暮夜之號若其措施弛張務得長筭至於
稟處裁斷實遵定規於戲天災時變之沓臻豈小憂
也地理人和之俱得深有望焉益竭策勵之忱以副
委任之眷故茲教示想宜知悉

教慶尚道觀察使李宜顯書

王若曰若昔三代以上岳牧必先惟我八方之中嶺
臬最重控山帶海州郡餘七十城浮江達河貢賦踰

累萬石素稱物衆地大爲一國之所資是以政煩務
殷比諸道而難理苟非才堪方面疇能簡在予心惟
卿承訓相家闡名科第風儀冲淡內實有瞻敏之才
字量寬和少已負老成之望始從翰苑之簪筆以至
講殿之橫經擢置銀臺思不懈於惟允進叅銓席心
則存於至公旣知卿內外之俱宜當與予休戚之是
共矚茲南紀之一域貽我北闕之殷憂饑饉荐臻公
私有難保之勢凋瘵孔棘緩急無可恃之形昔者淳
古之民風今變而薄惡昔者禮讓之士習今變而乖
爭嗟閭里怨咨之已深慨朝家惠澤之未究况今年

一夏不雨將茲土千里無禾舉填壑而捐溝正急盡
劉之歎如救焚而拯溺若爲全活之方通重溟之使
槎資送之力旣竭割半道於隣幣租稅之出何從其
與我共理惟良當是時屬子非偶茲授卿云云卿其
體予若恫之念殫乃盡瘁之誠倒廩傾因策豫講於
調賑紀痒櫛垢政要在於撫摩正黜陟而去貪殘明
聽斷而息姦猾儒學頽廢宜思庠塾之興邊圉疎虞
可忽牖戶之備茲乃急先務也餘悉遵舊制焉於戲
災警驚心殿屎溢目予不忘白屋之下意常切於懷
綏卿如在丹陛之前化豈緩於宣布不多誥矣其往

欽哉故茲教示想宜知悉

教江原道觀察使金相稷書

王若曰若昔三代之治理岳牧必先惟我八路之區
分藩翰俱重寧論疆域大小之異也其爲國家委寄
則同焉睠一方嶺之東西比諸道號以疲弊山川險
阻雖云其固之足憑壤土瘠疎素稱厥賦之最下海
澤之產逐年告竭浦稀居氓溝洫之制迄今未完田
無定案自昨年國內之大歉添寡躬病裏之殷憂正
當饑饉之餘凋瘵已極殆同兵燹之後流逋未還惟
救焚拯溺之方最急今日故承流宣化之任匪比曩

才集
時苟非方面之材疇膺予心之簡惟卿大家承業早
歲登朝氣度溫醇實內堅於操守見識通敏不自銜
其才能處臺風稜每持剛正之議居郡政績屢聞廉
簡之聲置喉司與薇垣縱多輔導之日益別利器於
錯節可應緩急之時需茲朝論舉爾之僉諧抑予意
屬子之非偶茲授卿云云卿其體予若恫之念殫乃
盡瘁之忱撫摩响濡布惠澤於單赤勞徠安集追化
理於龔黃恢聽斷之公使姦猾而自息嚴黜陟之法
致貪墨之皆除顧今嘉麥之將豐屢見好雨之知節
寨帷原隰宜法信臣之勸農駐節江山無效孟陽之

耽勝若其稟裁之典自有遵承之規於戲災警驚心
殿屎溢目予不忘白屋之下意常切於懷綏卿如在
丹陛之前化豈緩於惠養不多誥矣其往欽哉

左議政金昌集再度呈辭不允 批答

王若曰懇留之批累宣謂已諒此至意丐免之章又
上何莫回其遐心深愧情志之未孚更敷腎腸而誕
告言念相臣之進退實係邦國之安危當司馬之復
來乃增宋朝之重使晉公而不去寧貽唐室之憂顧
今日何等時耶有中夜不能寐者上天示警罔非危
亡之徵諸路告凶率是愁痛之象極乖張之朝議若

何以調和已渙散之民情若何以懷保雖三公備位
而來輔猶懼顛濟况兩相同時以請休誰與圖理惟
卿以世家喬木爲國之柱石蓋臣清直遺風襲名祖
冰霜之節詩禮庭訓守賢父金玉之規惟其著四世
五公之篤忠所以紆六歲再相之深眷持身簡澹可
以砥礪羣工秉心公平可以鎮服一世寡躬或有闕
失寔賴卿匡救之功朝綱漸至解隳實多卿整頓之
力方幸休戚之與共胡乃去就之斯輕若夫妄率之
臺言不足辨也至於謬戾之堂疏尤極駭然既洞燭
之無遺寧容敲撼之計宜特立而不撓毋置纖芥之

懷肆命近待而偕來又勤溫綍之敦諭寤寐不捨方
佇造朝之期遜辭采堅終守引疾之請任重者難以
決去讓既非時量大者無所不包犯亦何校矧今機
務之多滯久值鼎席之俱空政殷朝野之虞憂誰任
康濟之策雖感霜露之疾疢可賴神明之扶亟回若
挽之心用副如渴之望於戲國之所恃唯卿等數人
卿若不思置國事何地予不多誥卿勿更辭所辭宜
不允故茲教示想宜知悉

領議政李濡三度呈辭不允 批答

王若曰予旣勉諭備申言不欲再卿胡勤請無已辭

又至三未深思耶非所望者言念輔相之進退關係
不輕寔佩國家之安危休戚是共苟使廊廟之佐皆
思告休獨任社稷之憂誰與圖理惟卿以棟樑之良
具爲予之股肱者多年論議公平務去偏黨之習謨
猷密勿思盡啓沃之方向君憂愛之誠夙宵匪懈體
國忠勤之志終始不渝故寡人倚毗之特隆畀元輔
匡弼之大任當予勵精之日正賴上下之交修贊予
革弊之圖方切中外之想望不料乞免之請乃在仰
成之辰無妄之疾雖嬰榮衛奚損大耄之年未及精
力尚強反覆思惟初無引退之義聯翩章牘何乃異

避之勤只媿予誠意之不孚未知卿去就之斯決辭
榮釋位計雖便於優閒論道經邦責誰任於匡濟非
卿縝密之見則無以區畫百爲非卿綜理之才則無
以釐整衆瘼宜思鞠躬而盡瘁詎合袖手而旁觀於
戲惟君臣之相須庶諒眷注之意念機務之難曠此
豈休致之時亟斷遜辭以副至懇所辭宜不允故茲
教示想宜知悉

水村集卷之六

Blank writing area with vertical lines.

